



Longr ka be, liu-n-bogr ka be, la ad fa'aal nooma maam», la a yeele, la b yeel yã, yaa bõe la fa'aal (tẽ-sõngã) la a yeel yã: «yaa gom-yulenga

Yii a Anass [bn Maalik nengẽ (Wënd yard be a yĩnga), ti yii Nabiyaamã nengẽ, (Wënd puusg la A tulgr be a yĩnga) t'a yeelame: «Longr ka be, liu-n-bogr ka be, la ad fa'aal nooma maam», la a yeele, la b yeel yã, yaa bõe la fa'aal (tẽ-sõngã) la a yeel yã: «yaa gom-yulenga».

[Naşun Şahuhun (Gom-sikdem sën manege)] [B zemsa taab a zugu (A Al-Buḥaariy la a Muslim n reeg-a)]

Nabiyaamã (Wënd puusg la A tulgr be a yĩnga) kõta kibare ti ad longr ning Zulmã rãmb sën rag n loet-a wã, ti bãag longda neb a taab ti ka tũ ne Wënd kordgã, ti yaa bũmb sën yaa zĩri-beedo. ti la liu-n-bogrã me yaa bũmb sën yaa zaalem, yẽ yaa fo sën na n rık bũmb t'a wata ne wẽnga, sën yaa bũmb ning fãa, zem ti yaa sën kelgde maa sën ne, zem ti yaa liuuli wã maa rũmsã la zamsã rãmbã maa sõd-biisã maa rayã la zẽng sën ka rẽnda, la a sën togs liuulã, bala yaa yẽnda n rag n yı n sëeg Zulmã sasa, la a yẽgrã yaa liuul la b basd t'a yıke, b sën wat n na n maan tuum ning fãa, zem ti yaa so-toaka maa tolbo maa sën wõnd rẽ, la a sã n yık n tees rıtg wẽngẽ la a sën tar tẽ-sõngo, n maan a sën rate, la a sã n yık goabg wẽngẽ la a sën rıkd ti yaa wẽnga, n bas bũmb ning yẽ sën da ratã maanego. Nabiyaamã (Wënd puusg la A tulgr be a yĩnga) kõo kibare ti ad fa'alã (tẽ-sõngã) nooma yẽnda, yẽ me yaa bũmb ning sën paamd ninsaala sën yaa sũ-noog la kɪdengo, a sën wat n wum gom-noogo, ti gom-kãng yı sabab t'a tall tẽ-sõngo ne a Soabã.

<https://sunnah.global/hadeeth/mos/show/3422>

